

بقیع قبرستانی نین تخریبی باره ده شیعه و سنی نین جوابسیز سؤالی

وهابیتین نظریه گۆره قبرلرین اوستونده بارگاه دوزلتماق بدعت ساییلیر. پس نییه بو ایشی بیرنجی دفعه گۆرن عامه نین مهم رهبری عمر بن خطاب ایدی؟

وهابیتین نظریه گۆره قبرلرین اوستونده بارگاه دوزلتماق بدعت ساییلیر. پس نییه بو ایشی بیرنجی دفعه گۆرن عامه نین مهم رهبری عمر بن خطاب ایدی؟

حجاز منطقه سینده ابن تیمیه نین اعتقادلاریندان الهام آلیب قبرلر اوستونده بارگاه دوزلتماغی توحید اینن مغایر گۆرن وهابیتین یارانماسی اینن عین زماندا، بو نوع بتلارین هامیسی وهابیلر طرفیندن تخریب اولدو. 1220-جی هجری قمری ایلینده وهابیلر مدینه نی محاصره یه سالدیلا. شهر تسلیم اولاندان سونرا وهابیلر نبوی حرمده هر نه واریدی توقیف و تصرف ائله دی و بقیع قبرستانی نین بوتون بقعه لری تخریب اولوندو.



نظره گلن وهابیلر مذهبی گروه کیمی بیرنجی دسته دلر کی مرقدرلی و بارگاهلاری تخریب ائله ییلیر. قاباقلار بیر عده بقیع قبرستانی نیندا خلیفه لرین علیه نه کتابلار اولماسی بهانه سی اینن اورانی خرابلاماق ایسته میشدیلار اما موفق اولمامیشدیلا. وهابیلر طائف، جده، کربلا و آیری ینرلرین قبرلرینی داغیتماقدان علاوه، بارگاهلاری داغیتماقدا اؤز مهم هدفلرینی مکه و بقیع و مدینه ده متمرکز ائله میشدیلا.

دؤرد امامین (ع) بارگاهی و خانم فاطمه نین (س) بیت الاحزان معروف اولان گونیدی وهابیلرین همان اول حمله سینده داغیلدی و یا جدی صدمه گوردو. (عجائب الآثار، ج ۳، ص ۹۱)

عبدالرحمن جبرتی نین یازدیغینا گۆره، وهابیلر ایل یاریم مدینه نین محاصره سیندن سونرا شهره داخل اولوب نبوی مرقدن ساوایی بوتون مرقدرلی داغیتدیلا.

عثمانلی قوشونو مدینه نی وهابیلرین الیندن آزاد ائله ماغا گلدی و 1227 هجری قمری ایلین ذیحجه سینده مدینه نی آزاد ائله دی. بارگاهلاری بیر تعدادی ایکینجی سلطان محمودون امری اینن یننیدن دوزلدی. قاجار عباس میرزائین اوغلو حسام الدین، 1297 هجری قمری ایلینده حج سفرینده اماملار و بیت الاحزان بارگاهلارین وارلیغیندان و اونلاری زیارت ائله دیغیندان یازیر. (حسام السلطنه، دلیل الانام فی سیبل زیارة بیت الله الحرام، ص ۱۵۲)

اما وهابیلر 1344 هجری قمری ایلین شوالین سککیزینده تازادان حمله سی بو قبرستانی بوتون آثاری نین تخریب اولماسی اینن نتیجه لیر.

اما مدینه ده چاپ اولموش وفاء الوفاء کتابی بئله یازیر :

«... لم یکن علی عهد النبی ص علی بیت النبی ص حائط، وكان اول من بنی علیه جدارا عمر بن الخطاب . . .»

نبوی عصرینده پیغمبرین قبری اوستونده بارگاه بوخیدی و پیغمبر قبری اوستونده بیرنجی بارگاه دوزلدن عمر بن خطاب ایدی. (وفاء الوفاء ج ۲ ص ۱۹ / چاپ مدینه منوره)